

Whakaaturanga ka tu he Huinga o nga Tangata no ratou a Waikura Nama 2 Poraka i raro i Wahi XVIII o te Ture Whenua Maori, 1909.

REKUREIHANA NAMA 52.

TENEI te Poari Whenua Maori o te Takiwa Whenua Maori o Waiariki ka whakaatu ka tu he huinga o nga tangata no ratou a Waikura Nama 2 Poraka, i runga i te whakahaerenga o Wahi XVIII o te Ture Whenua Maori, 1909, ki Raukokore a te Wenerei, te 11 o nga ra o Hune, 1919, hei whiriwhiri i nga motini e whai ake nei:—

“(1.) Ko tetahi hoko e whakaarohia ana o tetahi wahi o te whenua ki a Victor John Larnier me whakaae atu.

“(2.) Ko tetahi hoko e whakaarohia ana o tetahi wahi o te whenua ki a Charles Vince Houghton me whakaae atu.

“(3.) Ko tetahi hoko e whakaarohia ana o tetahi wahi o te whenua ki a Eveline Cato me whakaae atu.”

I tuhia ki Rotorua i tenei te 3 o nga ra o Mei, 1919.

H. P. EIHANA,
Teputi Perehitini.

Whakaaturanga ka tu he Huinga o nga Tangata no ratou a Taheke Nama 2b Poraka i raro i Wahi XVIII o te Ture Whenua Maori, 1909.

REKUREIHANA NAMA 52.

TENEI te Poari Whenua Maori o te Takiwa Whenua Maori o Waiariki ka whakaatu ka tu he huinga o nga tangata no ratou a Taheke Nama 2b Poraka, i runga i te whakahaerenga o Wahi XVIII o te Ture Whenua Maori, 1909, ki Rotorua a te Mane, te 26 o nga ra o Mei, 1919, a te 10.30 o nga haora i te ata, hei whiriwhiri i te motini e whai ake nei:—

“Ko tetahi hoko e whakaarohia ana o te whenua ki a Arthur Wallace me whakaae atu.”

I tuhia ki Rotorua i tenei te 3 o nga ra o Mei, 1919.

H. P. EIHANA,
Teputi Perehitini.

Whakaaturanga ka tu he huinga o nga tangata no ratou a Raekahu Nama 2 Poraka i raro i Wahi XVIII o te Ture Whenua Maori, 1909.

REKUREIHANA NAMA 52.

TENEI te Poari Whenua Maori o te Takiwa Whenua Maori o Waiariki ka whakaatu ka tu he huinga o nga tangata no ratou a Raekahu Nama 2 Poraka, i runga i te whakahaerenga o Wahi XVIII o te Ture Whenua Maori, 1909, ki Raukokore a te Wenerei, te 11 o nga ra o Hune, 1919, hei whiriwhiri i te motini e whai ake nei:—

“Ko tetahi riihi e whakaarohia ana o te whenua ki a James S. Swinton me whakaae atu.”

I tuhia ki Rotorua i tenei te 3 o nga ra o Mei, 1919.

H. P. EIHANA,
Teputi Perehitini.

KAUTE KAUNIHERA O WAIROA.

Whakaaturanga ku tangohia etahi Whenua hei Rori.

Mo te taha ki te Ture mo nga Mahi mo te Katoa, 1908, a mo te taha ki te Ture mo nga Kaute Kaunihera, 1908.

HE panuitanga tenei kia mohiotia ai e mea ana te Kaute Kaunihera o te Wairoa, i raro i nga tikanga o nga Ture kua huaina ake nei, ki te mahi i tetahi Mahi mo te Katoa, ara, ki te mahi rori mo te katoa ka huaina ko Makaretu-Mangaone Rori, a mo runga i nga tikanga o taua mahi e meatia ana kia tangohia nga whenua i raro nei, ara e 4 eka 1 ruuri e 35 paati, rahi ake iti iho ranei, he wahi no Tutuotekaha 1b 1 Poraka, e 25 paati, rahi ake iti iho ranei, he wahi no Tutuotekaha 1b 2 Poraka, kei roto aua whenua i Poraka XVI o te Takiwa Ruuri o Opoiti, kua whakaahuatia nei aua whenua kei runga i te mapi kua whakatakotoria kei te Tari i Kihipane o te Tumuaiki Kai-ruuri i Nepia, i raro i te Nama 892 (pakaka) a kei roto he whero te kara. A he panuitanga ano hoki tenei ko te mapi o aua whenua kua whakatakotoria kei te Tari o te Kaunihera i Kuini Tiriti i te Taone o te Wairoa, a kei

reira e takoto ana hei tirohanga ma nga tangata katoa i nga haora e tuwhera ana taua tari, kaore he utu mo te tirohanga i taua mapi.

Ko nga tangata katoa e pangia ana e taua mahi, mehemeca he take tika a ratou hei whakahe i te mahinga i taua mahi mo te katoa i te tangohanga ranei i aua whenua, me tuku a-tuhituhi mai he whakahe, i roto i nga ra e wha tekau timata mai i te ra tuatahi i perehitia ai tenei panuitanga, ki te Karaka o te Kaute Kaunihera ki te Tari o taua Kaunihera kua huaina ake nei.

I tuhia i tenei 16 o nga ra o Aperira, 1919.

B. G. SIGNALL,
Karaka o te Kaute Kaunihera.

369

HE PANUITANGA KI TE IWI MAORI.

Tari o te Minita o te Ora mo te Katoa.
Poneke, 10 o Aperira, 1919.

I TE ekenga mai i nga motu o tawhiti ki enei motu i mua tata ake nei o te mate rewharewha uruta (*influenza epidemic*) he tino maha nga tangata o te iwi Maori me te iwi Pakeha i hingahinga i taua mate. Kei tupono tera ano taua mate e hoki mai, notemea kua pera hoki ki etahi atu motu. Na reira ko tatou me noho i runga i te tupato me te noho tiaki ki taua mate. Ko te huarahi marama ia he whakapai i nga kainga he tahi he horoi i nga whare he koko i nga paru me nga kino ka hari ki wahi ke kia mamao atu i nga kainga Maori me nga taone. Ki taku whakaaro hoki me karanga he huihuinga ki ia takiwa ki ia takiwa a kia whakaturia he Komiti mo ia kainga huihuinga hei whakahau kia whakaritea nga tikanga horoi i nga whare a hei tahi i nga kainga kia takoto pai ai kia takoto ma ai. Me tahi ia whare ia ruuma kia ma rawa, ko nga puehu me nga paru me koko ki waho ka tapuke atu. Ko nga paru hoiho kau ranei me whakawhaiti ka tahu ai ki te ahi. Ko nga whare me nga taiepa poaka me whakapai ka tahi kia ma, ko nga paru me tapuke atu. Ko nga paru manu katoa me tapuke atu. Ko nga puna wai me nga korere wai me pai tonu te tiaki kei taka he kino he paru ranei ki roto, kei tae ranei he manu he kararehe ranei ki reira inu wai ai a ka kino te wai.

Me whakarite ki ia kainga ki ia kainga he whare hei hohi-pera mo te tupono rawa ake o te hoki mai o taua mate e noho rite ana he whare motuhake hei takotiranga turoro, e watea ana ki tahaki ke o te nuinga o nga tangata. Ina tupono ki taua wa me waiho kia kotahi tonu he tangata hei tomo ki roto ki taua whare ara ko te tangata e whakaritea ana hei kai-tiaki mo taua whare.

Mehemea ka rite a ka hangai hoki te whakahaere i enei tikanga katoa e tino mohio ana au e kore e rite te whiu a taua mate a muri ake nei ki tona whiu i tona taenga mai ka hori ake nei. Na reira, ka inoi ahau ki nga rangatira Maori katoa me te iwi nui kia tahuri kia awhina i tenei mahi tino nui. Kua e waiho kia eke rawa mai te hoa riri ki runga ki te pac ka korikori ai. I tawhiti ano ia e haere ana mai e hopu ana to ringa ki te patu. To patu ki to ringa mau ai inaianei.

G. W. RUSSELL,
Minita mo te Tari Whakaora.
T. H. A. VALINTINE,
Apiha Tumuki o te Tari Whakaora.

CONTENTS.

| NOTICES— | PAGE |
|---|---------|
| Sittings of the Native Land Court at— | |
| New Plymouth | 285-286 |
| Te Kuiti | 286-299 |
| Pioston | 300-303 |
| Tikitiki | 303 |
| Meeting of the Tokerau District Maori Land Board at Kaikohe | 303-304 |
| Meetings of Assembled Owners, Waiariki District | 305 |
| Precautions regarding Influenza | 305 |
| ADVERTISEMENT— | |
| Taking Land for Roads | 305 |